

海塘新志卷二

天章_二

登開化寺六和塔記

杭州月輪峯六和塔宋開寶中創建以鎮江潮開化寺其塔院也自宋以來屢燬屢復燬則有驚浪之虞復則有安瀾之慶是以雍正十三年我

皇考世宗憲皇帝特發帑金命有司鳩工庇材是輪是奂越二年而告成又十有四年而朕以南巡之便親陟其

海塘新志

卷二

一

頂且爲之記焉蓋浙之潮人所共知爲雄鉅浙之塘人所共知爲要害然非目擊終爲耳食且沿江而來亦不辨其曲折之形也造塔巔而後審其所以稱浙江者溯流東睎又悉其壘龕赭迺溟渤頓挫滄蓄迭蕩掀激斯所以爲廣陵之潮者我

皇考居九重之穆清運萬寓於几席畱意海塘福彼蒼赤葺新穹塔資茲佑相予小子景仰

前烈深惟愛民之心旣誠故爲民之慮無所不至而必中

其繁夫必待身悉而始圖之斯不已遲乎是

皇考之聖神而予小子瞠乎其後者也故勒貞珉以識之

閱海塘記

隆古以來治水者必應以神禹爲準神禹乘四載隨山
濬川其大者導河導江胥入於海禹之蹟至於會稽會
稽者卽今浙海之區所謂南北互爲坻漲遷徙靡常地
神禹親歷其間何以未治豈古今異勢爾時可以不治
治之乎抑海之爲物最巨不可與江河同人力有所難

海塘新志

卷二

二

施乎河之患旣以隄防海之患亦以塘壩然旣有之莫
能已之已之而其患更烈仁人君子所弗忍爲也故每
補偏救弊亦云盡人事而已施隄防於河已難而況措
塘壩於海乎海之有塘壩李唐以前不可考可考者蓋
自太宗貞觀間始歷宋元明屢修而屢壞南岸紹興有
山爲之禦故其患嘗輕北岸海寧無山爲之禦故其患
嘗重乾隆乙丑以後丁丑以前海趨中壘浙人所謂最
吉而最難獲者辛未丁丑兩度臨觀爲之慶幸而不敢

必其久如是也無何而戊寅之秋雷山北首有漲沙痕已卯之春遂全趨北大壘而北岸護沙以漸被刷是柴塘石塘之保護於斯時爲刻不可緩者易柴以石費雖巨而經久去害爲民者所弗惜也然有云柴塘之下皆活沙不能易石者有云移內數十丈則可施工者督撫以斯事體大不敢定議夫朕之巡方問俗非爲展義制宜措斯民於衽席之安乎數郡民生休戚之關孰有大於此者可以沮洳海濱地險辭而不爲之悉心相度以

海塘新志

卷二

三

期又安吾赤子乎故於至杭之翼日卽減從趨程策馬堤上一一履視測度然後深悉夫柴塘之下不可施工以其實係活沙椿擲弗牢訖不可以擊石也柴塘之內可施工而倉卒不可爲以其折人廬墓桑麻填坑塹未受害而先驚吾民也卽云成大利者不顧小害然使石塘成而廢柴塘是棄石塘以外之人矣如仍保柴塘則徒費帑項爲此無益而有害之舉滋弗當也於是定議修柴塘增坦水加柴價一經指示而海塘大端已具守

土之臣有所遵循卽隨時入告亦以成竹素具便於進止也議者或曰有損者少而全者衆柴固不如石堅何爲是姑息之論然吾聞古人云井田善政行於亂之後是求治行於治之時是求亂吾將以是爲折中而不肯冒昧以舉者此也踏勘尖山之日守塘者以漲沙聞後數日沙漲又增命御前大臣誌石簍以驗之果然自初三日親臨閱塘後卽命都統努三額駙福隆安立標於石簍之上以驗增長今復遣往視回奏云十日已來沙漲至三尺餘土人以爲神祐斯誠

海塘新志

卷二

四

海神之祐耶但丁丑以前已趨中壘者尙不可保而況今數尺之漲沙乎然此誠轉旋之機是吾所以默識靈貺益勵敬

天勤民之心也是吾所以望神禹而怵然以懼慙無莫定之良策也至海寧日卽虔謁

海神廟

皇考御製文在焉因書此記於碑陰以識吾閱塘咨度者如是固不敢以已見爲必當也

浙海神廟碑文

浙西地瀕海扼其衝者先海寧次錢塘錢塘距海門尙一舍而遠然天下言觀潮之奇者獨推廣陵之胥母葢嶽歛衆山水自新安江下富陽而金衢嚴處數郡千巖萬壑復滙入錢塘出海必得海潮逆之全涌拗怒軋盤盪裔然後流益急而軌益順故江之歸壑非濤不爲功然其北擊南蕩生民農桑之命繫焉斯恃塘堰爲保障漢書注始紀郡議曹華信作塘捍潮唐書捍海隄凡二海塘新志

卷二

五

百二十四里宋元二史並誌袁花諸塘之修築及石囤木櫃之防禦如世所傳斛土千錢之諺其勤且艱如此雍正八年我

皇考世宗憲皇帝以海塘告成維

神效靈助順

特勅建廟海寧褒封秩祀用申昭報近海州縣不知有水患者二十餘年於茲然其時潮尙循北壘也乾隆辛未丁丑朕兩巡浙水登觀潮樓乃悉所爲趨北壘而有軼

則仁錢迤西害不可言趨南臺則蕭會諸邑之戴山者
藩籬略具猶間有侈囁之虞比年來大溜直趨中臺兩
岸沙渾鱗起如左右引從民居其間川原膏沃可耕可
桑曾不知白馬肯濤足以動心而駭目夫人之情久則
忘而逸則淫今之居樂土作息者非昔之日夜怵惕懼
爲魚之民也耶則我

皇考之深宮宵旰謀建塘以衛生靈與

明神之肸鬻垂釐嘉祐是邦其何可以弗紀觀潮樓當

海塘新志

卷二

六

錢塘都會之地東瞻中臺爲尤悉爰視海寧

祠宇之例命守臣鳩工庀材崇象設而展時事夫元氣
灌輸端委相成無感弗假又何一二之可區分哉因爲
迎神送神歌俾肄之工祝以揭虔妥靈其詞曰

赭龕開兮翼戶
賤紫瀾兮蒼嶼
冰夷導兮江斐
扈兩於
穆筆兮金支
中樹

神之來兮按部迴水犀兮萬努虹堤一綫兮安堵福我
民兮於昭揚詡傳芭兮鼗鼓紛配藜兮神靈雨 右迎

神

擘若木兮畱暉欄雲解駁兮頽霞罨幃罇蠲滌兮俎膾
肥聆繁會兮叶呼豨

神之去兮載祈波恬羅刹兮石平磯潤千里兮涵郊圻
引晦濁兮歸墟是歸式歆饗兮庶幾朝潮汐兮長無
違 右送神

尖山觀音廟碑文

我

海塘新志

卷二

七

皇考世宗憲皇帝厯念浙江海塘爲瀕海諸郡保障先後
遣大臣相度形勢鳩工庀材動發帑金二百餘萬繕舊
葺新俾居民有所倚恃尖山者海隅之一山也以石爲
址矗立滄濤朝潮汐必經其麓因卽其上建大士廟
用以棲神靈來景貺經始於雍正十三年冬十月越乾
隆元年八月告成所司以勒石記事上請朕惟海於天
地間爲物最鉅非有神靈默相人力將無所施功而佛
法不可思議恒能贊助造化庇佑蒼黎有感必通捷於

影響釋氏所稱觀音大士以慈悲爲體以救度爲緣普濟衆生隨聲應現其功用大矣我

皇考爲民祈福之心無乎不至神之能爲民禦大災捍大患者敬而禮之浙中名山若普陀若天竺皆大士道場靈應夙著尖山之名雖未顯於古而與靈鷲落伽遠近相望層巖截業近接潮音實爲神明之宅寶坊旣建將見風檣琛舶出入於煙波浩渺之中雲旂翠旛往來擁護而馮夷息警颶風不興並海之民安居樂業熙熙然

海塘新志

卷二

八

耕田鑿井以咏歌

皇考之聖澤於無疆者神之庥也爰鐫之貞珉以誌緣起

尖山壩工告竣碑文

浙之海寧縣東南濱海之境有尖塔二山相去百有餘丈臨流聳峙根址毘連爲江海門戶潮之自三疊入者北疊爲最大二山其首衝也舊有石壩捍禦洪潮積久漸毀我

皇考世宗憲皇帝厘念瀕海生靈

特命重加修築厥後以湍急暫停朕仰承

先志勤恤民依諄諭封疆大吏盡心籌畫邇年以來沙之
坍者日以漲潮之北者日以南度可興工爰命撫臣及
時完整茲乾隆五年夏撫臣奏二月間庀材興役子來
雲集踴躍爭先兼以風日晴和程工倍速屆今閏月之
初工已告竣一望崇墉屹如磐石向云惴惴恐懼慮爲
波臣者安耕作而荷平成恭請勒石紀載垂諸無窮夫
禦災捍患貴先事而爲之防海波浩瀚際天潮汐出入

高如連山疾如風霆瞬息數千百里非人力倉卒所可
禦居民恃石塘以爲安石塘恃二山以爲障而連絡二
山之勢延袤橫亘若戶之有闕關之有鍵翳壩工是繫
今者隄岸堅完沙塗高阜藩籬旣固石塘可保無虞廬
舍桑麻綺分繡錯東南七郡咸登衽席之安非特寧邑
偏隅而已是役也施力於煙濤不測之區奏功速而民
不勞良用嘉慰繼自今守土之臣其益恪勤奉職共體
此事事有備之意以保我蒸黎海疆其永有賴諸

視塔山誌事碑文

尖山塔山之間舊有石壩朕今親臨閱視見其橫截海中直逼大溜猶河工之挑水大壩實海塘扼要關鍵波濤衝激保護匪易但就目下形勢而論或多用竹篾加鑲或改用木櫃排砌固宜隨時經理加意防修如將來漲沙漸遠宜卽改作條石壩工俾屹然成砥柱之勢庶於北岸海塘永資保障該督撫等其善體朕意於可興工時一面奏請一面動帑僉辦并勒石塔山以誌永久

海塘新志

卷二

十

南巡記

舉大事者有宜速而莫遲有宜遲而莫速於宜速而遲必昧機以無成於宜遲而速必草就以不達能合其宜者其惟敬與明乎敬者敬

天明者明理敬

天斯能愛民明理斯能體物千古不易之理也予臨御五十年凡舉二大事一曰西師一曰南巡西師之事所爲宜速而莫遲者幸賴

天恩有成二十餘年疆宇安晏茲不絮言若夫南巡之事則所爲宜遲而莫速者我

皇祖六度南巡予藐躬敬以法之茲六度之典幸成亦不可以無言我

皇祖蕩蕩難名予藐躬瞠乎景仰述且弗能作於何有然而宜遲莫速之義則不可不明示予意也蓋南巡之典始行於十六年辛未是即遲也南巡之事莫大於河工而辛未丁丑兩度不過勅河臣慎守修防無多指示亦

海塘新志

卷二

十一

所謂遲也至於壬午始有定清口水誌之諭

向來河臣皆靳折清

恐干多費工料之議洪湖盛漲則開下河下河一帶無歲不被偏災自壬午年三次南巡始定高堰五壩水誌高一尺清口即放十丈爲準俟秋汛後洪湖水勢既定仍如常接鑲口門嗣是河臣恪守此法數十年來下河

免受水患田廬並資保護

丙申乃有改遷陶莊河流之爲

向來清口每慮黃水

倒漾康熙己卯春

皇祖南巡親蒞河干閱視形勢

命於清口迤西隔岸挑陶莊引河導黃使北因河

臣董安國開放過早旋即淤墊其後庚辰辛巳壬辰甲午以及雍正庚戌歷

命大臣會同河臣籌勘挑辦

迄未就嗣以黃水倒灌命開陶莊引河更無善策丙申春諭令河臣薩載詳悉履勘繪圖貼說往返指示於是年秋興工至丁酉仲春葺事開放新河大溜暢達既免黃河倒漾之虞兼收清水刷沙之益因命建河神廟

以答神佑詳見御製碑記
庚子遂有改築浙江石塘之工

浙江石塘自戴

家橋迤西皆柴塘不足資鞏護庚子南巡親臨閱視因飭該督撫於老鹽倉一帶改建魚鱗石塘仍諭令存留

舊有柴塘以為重門保障辛丑壬寅等年陸續採辦石料勘估建築至癸卯八月後督撫富勒渾福崧等奏報

石塘三千九百四十丈全行告竣今甲辰更有接築浙江石塘之諭

浙江

海塘老鹽倉一帶魚鱗石塘雖已全竣而章家菴以西惟藉范公塘土堤一道衛護形勢單薄不足以資捍禦

因先期傳諭詳晰籌畫採石鳩工茲甲辰南巡親臨指示不惜百餘萬帑金降旨一律接築石堤俾濱海黔黎

永資樂利至於高堰之增卑易磚

庚子南巡閱視高家堰據薩載請將三堡六堡等卑

甃磚工加高余以磚工究不若石工之經久因命母惜帑費一律改作石工分年修葺以冀永遠鞏固

徐

海塘新志

卷二

三

州之接築石隄並山

丁丑壬午乙酉三次南巡均至徐城閱視河工形勢次第籌辦添葺

石隄俱用石十七層以資鞏固其舊有石工三段長九百七十餘丈較之辛丑新建石隄短少二三層於庚子

南巡時命嵇璜薩載會勘一律加高十七層又自韓山至奎山一帶向止土堰茲亦一律接築石隄四百五十

丈直連山脚俾濱河永保安居無不籌畫咨諏得宜而後行是皆遲之

又遲不敢欲速之為夫臣之事君其有知不可而強諍

者鮮矣河工關係民命未深知而謬定之庸碌者惟遵

旨而謬行之其害可勝言哉故予之遲之又遲者以此

而深懼予之子孫自以為是而後之司河者之隨聲附

和而且牟利其間也與其有聚斂之臣寧有盜臣在他事則可在河工則不可河工而牟利宜洩必不合宜修防必不堅固一有踈虞民命繫焉此而不慎可乎然而爲君者一日二日萬幾胥待躬親臨勘而後剔其弊日不暇給焉則仍應於敬天明理根本處求之思過半矣予之舉大兩事而皆幸以有成者其在斯乎其在斯乎若夫察吏安民行慶施惠羣臣所頌以爲亟美者皆人君本分之應爲所謂有孚惠心勿問元吉予嘗以此自

勗也至於克己無欲以身率先千乘萬騎雖非扈蹕所能減而體大役衆俾皆循法而不擾民亦亟其難矣斯必有以提其綱而挈其要然後可以行無事而胥得宜矣實總不出敬明兩字而已故茲六度之巡攜諸皇子以來俾視予躬之如何無欲也視扈蹕諸臣以至僕役之如何守法也視地方大小吏之如何奉公也視各省民人之如何瞻覲親近也有不如此未可言南巡而西師之事更不必言矣敬告後人以明予志

渡錢塘江

斛土千錢詭就塘風恬日暖採舟方一江吳越分疆界

三月烟花正艷陽航葦誰曾見神異射潮未免話荒唐

漲沙南徙民居莫海潮向逼北岸海寧仁和二邑塘工頗以為患近年來北岸漲沙潮汐南

徙遂慶永瀾神庥敬倍常

閱海塘作

騎度錢塘閱海塘閭閻本計

聖謨良雍正年間海潮直逼北岸大為杭嘉郡縣之患皇考特命大臣鳩工築塘以捍之潮頭遂漸徙南

海塘新志

卷二

十四

岸海寧一帶沙漲數十里迄今廿餘年全塘永固民安其業長江已輯風兼浪萬戶

都安耕與桑南北田中賴

神佑生靈永奠為民慶漲沙百里誠無事莫頌惟增敬

不遑

觀江潮作歌

樓名望潮江岸旁既到弗登有底忙登矣不俟潮一望

殺風景事誠何當哉生魄為潮盛候因緣恰值聊相伴

是日未刻潮應至歷申那見濤乘江駕山張蓋徒想像

詩消醮退真荒唐江山小船迎潮慣

船名出江山縣地方吏備迎潮者用

之解嘲略仿羯鼓腔金支翠旗光錯落撻金擊革聲鏗

鏗俄頃江面潮亦至恬風輯浪非礮礮惟覺兩岸隱增

溜買舶好趁輕帆揚陽侯靜歛滄波細一霎依舊天水

蒼昔聞庖沓戰藉藉欺人慣是文人長或云乘輿百靈

護伍胥文種心早降

土人謂潮頭奮振者爲靈胥潮其後如綿絮而少弱者爲文種潮云

或云江走中壘後潮汐非比曩時強其然豈然付一笑
漲沙惟喜資耕桑

海塘新志

卷二

五

觀海塘誌事示總督楊廷璋巡撫莊有恭

明發出慶春駕言指海寧海寧往何爲要欲觀塘形浙
海沙無常南北屢變更北坍危海寧南坍危紹興惟趨
中小壘北南兩獲平然苦中壘窄其勢難必恒紹興故
有山爲害猶差輕海寧陸且低所恃塘爲屏先是常趨
南漲沙率可耕兩度曾未臨額手謝神靈庚辰忽轉北
海近石塘行接石爲柴塘易石自久經費帑所弗惜無
非爲民生或云下活沙石隄艱致擎或云量移內接築

庶可能切忌道旁論不如目擊憑活沙說信然尺寸不

可爭

塘邊試下木椿始苦沙澁用二百餘斤之礮一築率不及寸許待椿下既深又苦沙散不能齧木椿

搖搖無著也

移內似可為閭閻櫛比并

柴塘向內數十丈其土似宜椿可以即工

然所在皆田廬此處為塘必致毀棄田廬患未至而先殃民心復有所不忍

其無室廬處又

復多池阮固云舉大事弗顧小害應然以衛民心忍先

使民驚且如內石建寧聽外柴傾是將兩隄間生靈蠲

滄瀛如仍護外當

去聲

奚必勞內營以此吾意決致力柴

塘成坦水篋石置可固隄根撐柴艱酌加價毋俾司農

海塘新志

卷二

夫

程

命行在戶部及該督撫詳議加柴價

補苴示大端推行宜殫誠

謁

海神廟瞻禮有作

鹽官駐馬先虔謁

廟貌枚枚

皇考修捍患禦災宜

祀典恬風靜浪賴

神庥即今南漲方埊北尚此春逢况值秋黍稷非馨在

明德是吾所愧敢忘愁

駐陳氏安瀾園卽事雜咏六首

名園陳氏業題額曰安瀾至此緣觀海居停暫解鞍金
隄築籌固沙渚漲希寬總厪萬民戚非尋一已歡

兩世鳳池邊高樓

睿藻懸

樓中恭懸

皇考林泉耆碩

御書是編修

陳邦直之父原大學士陳元龍

予告時

賜額也

渥恩賚耆碩適性愜林泉是日亭臺景春風角徵絃觀瀾
遂返駕供帳漫求妍

海塘新志

卷二

七

隅園舊有名

以是園為閱塘暫憩之所
因賜今額隅園其舊名也

巖壑窈而清城

市山林趣春遊花鳥情溪堂擅東海古樹識前明世守

猶陳氏休因擬奉誠

別業百年古喬松徑路尋梅香聞不厭竹靜望偏深瑞

鶴舞清影時禽歌好音最佳泉石處樵帖玩懸針

元臣娛老地內翰肯堂年賭墅棋聲罷木天磚影捐竹

堂致瀟灑月閣揖清娟

竹堂月閣皆園內名勝

信宿當迴蹕池邊

坐少延

天朗惠風柔臨溪禊可脩是日趣真如谷口姓不讓岡上巳頭意以延清永步因覓韻畱安瀾祝同郡寧爲暢巡遊

睡醒

睡醒恰三更喧聞萬馬聲潮來勢如此海晏念徒縈微禹之良策傷文多愧情明當陟尖嶠廣益竭吾誠

題土備塘

土備塘名海望修意存未雨早綢繆石柴誠賴斯重障是謂忘唇守齒謀

海塘新志

卷二

六

塘上四首

西塘尙有沙塗護旣至東塘沙總無石不能爲柴欲朽防秋要計可徐圖

鹽官從不曉迎鑿古樸民風致可觀却勝杭嘉多飾禮綵棚鼓樂滿河干

葦廬竈戶日煎鹽辛苦蠅頭覓潤霑噓歛胼胝耐燥濕厚資原是富商兼

隄柳青青畦菜黃村梅遮隴遠聞香徐行咨度周防計

懶惰無心問景光

登尖山觀海

輿圖早已識尖山地設天開障海關東北岡巒捍猶易
西南柴石禦為艱虔心所祝資坍塌漲蒿目無方計剔鬢
大吏載咨補偏策盡吾誠耳敢云閑

尖山禮大士

秋水精神滿月相峯巔妙演海潮音普陀天竺何遙近
無礙隨緣應感心

海塘新志

卷二

九

視塔山誌事

尖山實捍海塔山舒右翼翟村當兜灣賴此雄潮逼條
石未可築塊石先救急其下布石簍射溜圖根立策馬

視簍痕云沙漲數尺

浙撫臣言竹簍貯石下護塘基數日來沙漲掩簍四尺許遂命立標

以驗增漲尺寸

是為轉旋機其然談何易

叶

詎當恃

天佑而弗盡子責叮嚀示方伯吾意知應悉斯時工難施
沙遠當易石魚鱗一例接方為經久策

閱海塘疊舊作韻

今日海塘殊昔塘

丁丑南巡時海潮大溜尚走中壘已卯以來潮勢復趨北壘現飭大吏相

度修繕以爲民衛

補偏而已策無良北坍南漲嗟燒草水占田

區竟變桑父老常談寧可諉

土人以三壘海潮之行不南卽北此因任之論與河

徙天數語同非治水者所宜出也

明神顯佑詎孤慶

雍正七年海寧近復命錢塘崇飾

勅建海神廟祠宇以昭靈貺

尖山跋馬非探勝萬井安全慮不遑

上巳

尖塔

二山名

攬全形陳園蹕暫停佳時逢上巳隨地可稽

海塘新志

卷二

三

亭綠水澄而照春梅靜以馨託波杯不泛惡旨有芳型

觀海潮作歌

辛未觀潮潮已奇杭人猶稱其力微丁丑觀潮潮未至

作歌高樓聊紀事似神而非者曰三逮茲三度潮真酣

却非江樓觀約略剏得乃在柴塘尖我閱柴塘籌禦海

詎圖快覽驚濤駭因緣大汛三日三洪瀾有若將予待

跋馬指東向鹽官一條銀綫天際看捲江倒海須臾至

迎來底藉江山船

江山船迎潮見前詩

色猶未睹先聞聲礮硠磅

礚鞫匄匄徐行按轡攬其狀大哉觀矣誰與京肯毋弭
節倏奔瀉並驅素車而白馬淋淋汨汨浩湯湯踰跽配
藜白鷺下一空前此初遇奇既欣旋復生愁思長菱厚
石弗預固秋來轉瞬奚當之

觀潮樓紀事

跋馬萬松嶺言尋觀潮樓樓祀

江潮神繫吾

禋典修

戊寅歲命浙省守土臣修建於觀潮樓並製文勒碑以紀其事

神祠

前兩度臨

海塘新志

卷二

三

茲江從樓下流今番乃漲沙羣咸頌

神庥然吾別有思無非爲民謀迤東利漲沙庶望桑麻

稠迤西本弗藉石塘鞏金甌從古樓臨江濤觀八月秋

觀濤固非要況昨暢吟眸利者乃致敗柴石捍禦籌弗

藉者反然泥塗艱行舟試看西來薪轉運以車牛

觀潮樓下

沙未漲時富陽等邑柴船連檣東下直抵江岸今漲沙既遠率用牛車轉運輓致頗艱

合郡供爨

薪弗屬寧免愁謂此爲

昭假實益吾懷羞

自石門縣跋馬度城易輕舟至陳氏安瀾園卽景

雜咏

艤舟跋馬度由拳心喜觀民緩著鞭更有閱塘予正務

遂循溪路易輕船

夾溪萬姓喜迎鑿桑柘盈郊入畫看廿四將過風帆

去聲

駛片時新壩到長安

即壩名

壩隔高低換綵舟綵舟致重櫓聲柔仍圖迅利策予馬

蓄眼韶光面面酬

鹽官三載重經臨兩字安瀾實厪心駐輦春風棄清暇

海塘新志

卷二

三

果然城市有山林

駐陳氏安瀾園疊舊作即事雜詠六首韻

如杭第一要籌莫海塘瀾水路便方舸

前巡抵杭城由陸路赴海寧閱

塘今年舟次石門即從別港水道前進先駐是園取便程急先務也

江城此稅鞍汝潮仍

似舊宵旰那能寬增我因心懼慙其載道歡

隅園城角邊新額與重懸意在安江海心非耽石泉喬

柯皆入畫好鳥自調弦有暇詩言志雕蟲不尙妍

鹽官誰最名陳氏世傳清詎以簪纓嚇惟敦孝友情春

朝尋勝重

去聲

聖藻賜褒明

原任大學士陳元龍請老時
林泉耆碩額以寵其行今恭奉園樓正中

皇考書賜

來日尖山詣祈

庶盡我誠

書堂橋那畔熟路宛知尋
既曲越延趣惟幽不礙深風
翻花動影泉出峽畱音古
枯無榮謝森森青玉針
園以梅稱絕盤根數百年
古風度迴別時世態都捐春
入香惟淨月來影亦娟
閒吟將對寫消得意為延

海塘新志

卷二

三

溪泛櫓聲柔溪涯有竹修
獺時看伏翼是園水
中有獺魚並育
槎頭似此真佳處無過信
宿畱觀塘吾本意詎可恣
遊

謁海神廟瞻禮疊舊作韻

庚辰之歲潮趨北柴石塘工重去聲事修亟顛施仁斯益

切不更平聲為患仰

貽麻漲沙雖縱聞增渚汛水無過幸晏秋

廟貌欽崇緬

皇考中壘未復祇懷愁

命添建海寧縣城石塘前坦水石詩以誌事

柴石兩塘工前巡大端定

前巡閱視海塘時有以老鹽倉一帶柴塘恐難經久請易

柴為石者及親臨度試則塘內沙活不可下椿再移內數十丈雖工作可施勢必毀棄田廬未弭患而先殃民又豈保衛之道因決意修築柴塘勅部議增薪值俾採購裕足並命添置坦水篲石捍護隄根茲來重

相視事無不用敬念茲古縣城萬民所託命城南即石

塘魚鱗固綿亘但潮今北趨已近塘根迎坦水縱兩層

潮來惟一賸設使久盪激塘根將致病去歲雖添建六

海塘新志

卷二

三

十丈而竟尙欠久安策俾增一律稱

去歲撫臣請建坦水六十餘丈止就

險要而言於全塘形勢尙未籌及因命增建四百六十餘丈並視二層舊坦水之椿殘石缺者令補易繕完使護塘根永殺去聲勢護石工費帑吾寧聽何當復中壘額

手斯誠慶

塘上三首

尖山將往閱潮淤塘上清晨發步輿一帶隄根皆嚙水

撫斯安得暫心紓

魚鱗誠賴此重隄隄裏人家屋脊齊土備却稱守重障

土備塘海望所修欲以爲重關保障夫石塘外如果可爲重障尙可今爲之塘內且置人家於外豈有土更堅於石之理譬之防盜者舍墻一行遙見柳烟低門而扃屋扉甚無足取也

竈戶資生釜海存刮沙煎滷事牢盆茅棚葦竇何妨覽欲悉吾民衣食源

登尖山觀海

岩巖淨土普門憑觀海因之棧道登愧我敢云希績底莫茲惟是賴仁能臺臨上下空無際舟織往來波不興俯視塔山資射浪謾言沙漲有明徵

海塘新志

卷二

五

視塔山誌事疊舊作韻並示地方督撫及司事者

壬午視塘後沙漲伸如翼不久復致坍溜仍塘根逼自

茲月據報壩基下有護根石簍前巡臨閱時沙漲掩簍痕四尺許因命標誌其處驗增漲尺寸浙撫

每月奏報時緩亦時急卽今石簍下又見漲沙立較之昔立

標乃更增五尺沙漲時有贏縮茲親臨勘驗較舊誌復增五尺大吏皆謂江海效靈然坍漲靡

常實不敢卽以爲慰也效靈漫致頌安保無更易夫惟君與臣均

有安民責爲民籌保障可弗此心悉何時沙坂堅魚鱗易條石惟俟

天默佑斯實乏良策

閱海塘再疊舊作韻

依舊潮頭近逼塘

貽謀昔日計深良

自乾隆戊寅潮勢復漸趨北壘恃魚鱗大石塘及坦水竹絡壩為鞏護益仰

皇考定制實為萬世永賴

成規敬守修柴石

先是建議築者擬易柴塘為石工壬午親臨相度塘下活沙既汕澁不受椿而

內徙又妨田廬因命專修柴塘且增料值其條石各工隨宜加發俾資捍禦

古語誠符變海

桑南坍北漲北坍南漲惟浙省為然蓋無百年不易之事

思復中壘亦過去聲望便

海塘新志

卷二

三

由故道敢私慶盡人事俟

神庥耳蒿目一勞念未遑

觀潮四首

鎮海塔傍白石臺觀潮那可負斯來塔山濤信須臾至

羅刹江流為去聲倒迴

橐籥堪與吁吸隨混茫太古合如斯伍胥文種誠司是

之二人前更屬誰

候來底藉鳴鷄伺朔望六時定不差斫陣萬軍馳快馬

飛空無轍轉雷車

當前也覺有奇訝開後本來無事仍我甫廣陵辨方域
牧乘七發觀潮廣陵之曲江注未詳其所在後世乃指
浙江為曲江以浙江濤為廣陵濤溷而為一蓋未深考
漢書地理志餘杭屬會稽而不屬廣陵相習傳譌耳且
如篇內伍子之山肯母之場並在吳境於揚於杭皆風
馬牛不相及尤難強為比附
因作廣陵濤疆域辨以正之
漫重七發述枚乘

觀潮樓

前度沙平漲樓原陸地陵

壬午登眺時樓前漲沙頗遠江船不能近岸多以牛車輓

運今來則深水近在隄下舟可泊塘蓋遠則衝嚙無虞而艱於估舶近則帆檣稱便而潮溜或侵塘根似茲遷

海塘新志

卷二

三

漲靡常益為全塘厯念

今來江又近舟可跨欄乘變幻有如此晏

清竟底憑水師呈技藝

總督蘇昌携閩省水師于樓前呈演水操諸技頗為嫻熟因行

賞以獎之行賞命旌能

駐蹕安瀾園再疊前韻六首

觀海較前異石塘貼近瀾州臨因繫舫城入更乘鞍熟

路原相識名園頗覺寬就瞻甚民便雷動夾塗歡

沙坍逮北邊數歲為心懸

塘外漲沙南北坍漲靡常北漲則塘工鞏固壬午閱視簍

誌情形命撫臣每月勘驗具圖奏報自壬辰春以來沙痕漸覺北坍實為厯念不置

到此蒿增目

慙其言湧泉急愁塘與堰懶聽管和弦對景惟惕息摘
辭那復妍

安瀾易舊名

舊名隅園

重駐蹕之清御苑近傳蹟

圓明園會仿此爲之

即以安瀾名之并有記

海疆遙繫情來觀自親切指示慚去聲分明

行水緬神禹惟云盡我誠

石徑雖詰曲步來邨用尋無花不具野有竹與之深礶

戶開生面泉紳振舊音

御書樓好在

海塘新志

卷二

三

垂露護葦鍼

溪上三間屋棲遲似昔年非圖燕寢適頗覺犀塵捐老

枯詩中畫古梅靜裏娟別來十六載可不意爲延

拂岸柳絲柔出檐竹个修重來亦儻耳昔事憶從頭南

北漲坍屢

自乾隆戊寅後潮勢漸趨北壘恃魚鱗大石塘及坦水竹絡壩爲之鞏護丁丑南巡時值

南坍北漲大溜已向南已卯以後潮復趨北壬午乙酉兩經親閱溜勢或南或北遷改不常隨時指示大吏添

用坦水竹簾防護並有詩紀事

愁欣詩句畱

北漲則爲之欣坍則爲之愁亦經屢矣

卽今

值愁際那得愜情遊

觀潮四首叠乙酉韻

穹塔依然峙迴臺十年餘別此重來海潮欲問似神者
幾度東西茲往迴

雷鼓雲車聲應隨自宜神物式憑斯設非之二人司是

乙酉詩云伍胥文種誠司是之二人前更屬誰見雖高而語似慢其後北圻南漲至今潮勢乃逼近石塘意甚悔之故反前句意如是雄威更合誰

石塘上略肩輿駐報道未時潮不差是日潮以未時至枚客賦

成擬閣筆周郎宿寄喚推車

海塘新志

卷二

五

流光瞥眼誠云速潮信茲來試攬仍審至奇中至靜在
一時得句興堪乘

登尖山觀海

尖山更在塔山北潮所弗到勢猶遠以之觀海斯則近

鐵版沙護東成堰尖山東至乍浦一帶向無塘堰因其地係鐵版沙不畏潮勢衝齧無庸防

護山頂舊有大士宮竭誠瞻禮登雲棧所祝安瀾佑萬

民寧圖玩景供遊眼亭臺點綴夫何為憫然為之意不

滿

謁 海神廟瞻禮再疊舊作韻

閱十六年重巡狩虔瞻

廟貌潔禋修况逢坍北方南漲益切竭誠仰籲

庶遍地耕桑艱讓水禦潮堤堰願安秋

御碑拱讀增欽慕一例勤民不解愁

視塔山誌事再疊舊作韻

塔山塘入江竹簍以為翼壬午視之次沙漲略弗逼乙

酉詩誌幸其後勢漸急茲閱三層簍一層已露立壬午閱視

海塘新志

卷二

三

塔山壩工有竹簍貯石下護壩基其時沙漲掩簍四尺許遂命立標以驗增漲尺寸論撫臣按月繪圖奏報乙酉臨閱沙漲增至五尺衆皆欣頌但坍漲靡常實不敢即以為慰並有詩誌事茲復親臨相視不但所增之五尺漲沙盡坍且三層竹簍之上層已經顯露因竹簍年久朽敝撫藩諸臣另籌換砌於保護雖屬有益然切望漲沙之漸長耳 其何禦三秋不啻減五尺前巡所慶幸茲番頓

變易扼腕民之艱撫膺吾之責於無可如何敢不籌詳悉欲圖安墊居遑吝增鞏石補偏救弊耳愧無永逸策

閱海塘三疊舊作韻

乙酉潮頭纔逼塘退潮沙尙護塘良

乙酉臨閱時潮頭雖漸有趨北之勢

而潮退後塘外漲沙較壬午所閱標誌頗覺增長然亦未敢以為慰也 卽今埧盡一江水

切已愁廛萬井桑何日中臺復故道爾時合郡祝同慶
神祠咫尺申瞻拜祈

佑不遑慙不遑

命老鹽倉上下相地仍建石塘詩以誌事

壬午視海塘長言曾誌事爾時雖北埧塘外尙沙地未
若此時甚水竟塘根至老鹽倉一帶惟賴柴塘峙向亦
經親臨下椿目所視沙散弗齧椿條石魚鱗砌

海寧恃塘工為

海塘新志

卷二

三

屏蔽嗣因潮近石塘復接石為柴塘然柴不如石之完
固壬午親臨老鹽倉一帶擬易以石試下木椿苦沙活
不能齧椿難於砌石其柴塘向內數十丈似

可下椿又皆民田弗忍毀棄因罷石塘之議移內又弗
可遂罷石塘議茲來細周閱未可前言必柴塘四千丈

豈盡活沙寄不無受椿處石塘終可恃

石塘迤上柴塘四千二百餘丈

未必概係活沙難以受椿因復飭該督撫派委誠妥大
員據石逐段勘估凡柴塘可以改建石塘之處悉令易
石毋惜工費俾濱海

羣黎永享安恬之福
申命重相勘莫慮國帑費庶幾永
安瀾為民顙

天庇

觀潮樓疊乙酉詩韻

南埤與北漲幻若谷和陵江尙岸之近樓如舫以乘暢
懷忘景問厓念在欄憑遙指中壘陸通流何日能

駐蹕安瀾園三疊前韻六首

北埤今次永塘尙近洪瀾春月來觀海古稀仍據鞍魚
鱗期越固蠶市較蘇寬鄉語分疆異民心一例歡
塔山已近邊踏勘慰心懸竹簣喜增漲蟻坯惕漏泉隅
園且停憩比戶有歌弦自是文章邑然當戒藻妍

海塘新志

卷二

三

舊家原有述熟路不須尋世業傳來久國恩受已深翰
林茲挂籍書囿勉繩音重展蔡襄蹟依然懸古鉞

安瀾詎祇名永祝晏而清明日觀形勢一宵厓慮情前
吟巡壁舊

聖藻額檐明載語世臣者承家在敬誠

是園有紫竹不計歲和年畫格應爲劍吟情詎可捐松
非自稱直梅亦捨其娟三益於斯盍都因靜以延
一溪春水柔溪閣向曾修月鏡懸檐角古芸披案頭去

來三日駐新舊五言留六度南巡止他年夢寐遊

觀潮四首再疊乙酉韻

鎮海寺傍臨海臺行春觀處正潮來逮今三度詩十二
不擬石塘重往迴

詠事酉年信筆隨悔愆子歲亦於斯謂當鑒我漲沙矣
仍看北坍更顛誰

李嵩妙蹟攜行笈相證雄觀信弗差詩讀張楊刺南宋
風霜二帝忘行車

海塘新志

卷二

三

一帶石塘工已就魚鱗擬築向西仍亦惟此日盡人力
敢冀他年幾可乘

塔山誌事三疊舊作韻

兩山接口壩恃竹篾外翼條石未可築潮汐日夜逼乙
酉沙護簍庚子坍漸急今幸護以全並無簍露立北漲
期難望遑此論寸尺乙酉卽有言安保無更易顛佑未
蒙麻誠弗假予責接築魚鱗塘工料籌詳悉茲更有後
議欲接築堅石帑項非所靳然斯亦下策

登尖山觀海詩

尖山迤北弗資塘鐵板沙比石猶固尖山迤西乃賴塘
閭閻必藉石爲護天時地利自古然人事弗和斯致誤
所謂和亦匪云同盡心籌民保障故我登茲山亦已屢
不爲觀瀾暢神遇漲沙靡定不可恃每因蒿目乏良慮

謁 海神廟瞻禮三疊舊作韻

庚子重來厘晏奠石工一律命堅修勤劬雖曰不遺力
護佑仍惟賴

海塘新志

卷二

三

賜麻

神廟載瞻申九叩

御碑欽仰示千秋敢云塘固民安枕未翁中壘未解愁

閱海塘四疊舊作韻

已卯以來潮近塘廿餘年未漲沙良雖然救弊柴易石
尙未獲安海變桑縱看魚鱗一律鞏慚聽額手萬民慶
范公隄更應籌固暇日民艱厘弗遑

命於新建石塘尾柴塘內接築石塘越范公塘直

抵烏龍廟卽以范公塘爲外護之土塘詩以誌事

江南范公塘久傳仲淹義浙省范公塘乃自承謨置范公

土塘乃本朝閩浙總督范承謨所建承謨卽仲淹後裔也一家兩大工先後勤民事

在浙斯言浙石堅土易潰邇年沙北坍迴瀾激齧恣范

塘東北尾內曩已有事昨歲癸卯四月據福崧奏范公塘原築埽工自二月以來因洞

溜汕刷致有間段埽蟄現用船沉石以護塘根尙屬穩固等語朕以該處既係頂衝且洞溜汕刷卽用石乘船

亦係暫時防護非一勞永逸之計因傳諭富勒渾福崧通盤籌畫是否應照老鹽倉之例一律接築石塘詳悉

繪圖貼說具奏并諭令於所呈圖內硃筆圈處添築挑水石壩以期挑溜南趨仍俟今歲南巡親臨閱視指示

海塘新志

卷二

三

機宜再行定奪沉舟下石篋幸保目前計鹽倉石塘建繼此誠

當議柴塘補范公率已允大吏該督撫等請於新築石塘工止處之現做埽工

柴塘之尾接築柴塘八百餘丈直抵范公塘以爲外護卽允所請茲來細斟酌建石難

再遲發帑五百萬分年物料備茲親臨閱視所建柴塘及范公塘一帶亦必須

一律接建石工方於省城足資永遠鞏護因諭令自新建石塘尾起越范公塘直抵烏龍廟止范公塘盡處一

體添築石塘撥給部庫銀五百萬兩予限五年自東而西分段陸續修築並諭先行備辦工料擇日興工一

如章菴東外柴內石暨柴卽代坦水庚子前巡諭令將章家菴以東柴塘

內普建石工茲來親閱見石塘之前柴塘之後有溝槽一道現存積水並無去路恐致淹滲塘根又石塘上堆

積土牛無裨實際諭令將土牛填入積水溝槽之內仍將柴塘後之土順坡斜做並於其上栽種柳樹俾根株盤結益資鞏固且令外柴內石連為一勢即以柴塘為石塘之坦水且今柴塘亦時見本有坦水也柴接土塘比即范公塘土內石相倚烏龍廟齊至柴塘石塘中間將土牛填入種柳互相倚恃聯絡鞏護最為得力范公塘後即築石塘直抵烏龍廟范公塘盡處均令照式修築堅固俾海疆永慶安恬民生益資樂利永以保杭城千年安晏遂六巡塘事畢五字始終誌

賦得南埒北漲得心字

紹海對相峙江潮自古今中壘誠最美兩界幻難誌埒

海塘新志

卷二

美

漲事無定北南勢有斟興猶山作禦寧祇岸虞侵壬午溜遷後甲辰水尚深築塘圖久計射弩罷雄心無往思不復斯升祝彼沉

神祠恭致拜籲

佑愧為欽

老鹽倉一帶魚鱗石塘成命修

海神廟謝貺并成是什誌慰用壬午觀海塘誌事詩韻

壬午觀海塘無非求民寧並攜督撫臣

時總督楊廷璋巡撫莊有恭

疇咨閱情形憶自庚辰年沙勢已漸更然尙去塘遠未致大工興壬午至庚子北坍水鋪手略帶漲沙意日夕縈念恒長此其奚窮民生關匪輕戴家橋迤東猶有魚鱗屏迤西惟柴塘安足護桑耕庚子我重來

崇祠顛佑靈馮輿歷歷觀既觀慮且行其間老鹽倉下

椿我所經活沙旋吐椿

海塘自戴家橋迤西皆柴塘不足資保衛因擬改築石塘司事

者輒稱老鹽倉一帶活沙難於下椿若移內接築又有碍田廬壬午親臨試下椿木始苦沙澁用二百餘觔之砢一築率不及寸許椿下既深又苦沙散不能齧木椿搖搖無着是活水之說信然彼時既未能接築石塘因

海塘新志

卷二

三

藉坦水石簍爲固迨庚子南巡沙蒿目乏計生申命築

魚鱗竊念椿難擎然事在人爲未可謝不能

老鹽倉一帶沙活難

以釘椿然事在人爲未可遽謝不能庚子南巡復申命改建魚鱗塘初開工時仍有已釘復起之患旋有老翁指示云用大竹探試俟扞定沙窩再下椿木加以夯築入土甚易因依法扞築又梅花椿以五木攢作一處同時齊下方能堅緊不致已釘復起試之果有成效迨後跟尋老翁已無踪跡現據富勒渾福崧等奏詢之盛住及在工員弁兵役等皆稱老人指點傳爲神助請勅修該處潮神廟以答靈貺因俞所請並賦詩以紀其事

日月具圖報心懸如目憑大小吏胥勤民夫盡力爭老鹽倉一帶石塘竟築行外仍護柴塘內無害溪阮却

聞芬椿時老翁言信應竹扞試沙窩成效免變驚因下
梅花椿堅緊無欹傾魚鱗屹如峙潮汐通江瀛功成翁
不見詎非

神所營贊天福萬民竟得鉅工成臨塘新

祠宇榱棟煥支撐肅拜致虔謝五言得行程迤西更易

爲仍欲殫吾誠

老鹽倉石塘三千四百九十丈鉅工已竣而章家菴迤西僅有范公土塘一道

難資衛護因令該督等悉心籌畫一律改建石塘較之老鹽倉一帶更易施工亦惟殫吾愛民之誠不惜再費數百萬帑金俾闔郡黔黎永慶安枕耳

海塘新志

卷二

三



鹽道將盈庫大使徐綬捐刊